

## Izveštaj o radu Uprave policije MUP-a Kantona Sarajevo za mjesec septembar 2017.godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu septembru 2017. godine, na području Kantona Sarajevo registrovano je 340 krivičnih djela<sup>1</sup> što je za 21-no djelo ili 6,6% više u odnosu na isti mjesec prethodne godine.

Od ukupno 340 registrovanih krivičnih djela, 124 ili 36,5% izvršeno je od strane poznatih izvršilaca, a 216 ili 63,5% od strane nepoznatih izvršilaca.

Za 69 djela ili 31,9% od ukupnog broja krivičnih djela prijavljenih po nepoznatom izvršiocu, naknadno su identifikovani osumnjičeni izvršioci, od čega je 38 krivičnih djela iz izvještajnog mjeseca, a 31-no iz ranijeg perioda.

Službenici Uprave policije MUP-a KS su mjesecu septembru 2017. godine za ukupno 193 krivična djela (krivična djela po poznatom izvršiocu i naknadno rasvijetljena djela) ili 56,8% identifikovali osumnjičene izvršioce, što je za 9% manje u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 171-no lice (31 manje), od čega je 109 povratnika (14 manje) u izvršenju krivičnih djela (ili 63,7%), šest maloljetnika (jedan više), a 70 lica je lišeno slobode (29 manje).

PREGLED KRIMINALITETA NA PODRUČJU KANTONA SARAJEVO U MJESECU SEPTEMBRU 2017/16. GODINE POSMATRANO PO  
GLAVAMA KZFBIIH-a (SL. NOVINE FBIH-a BR. 36/03)

KRIVIČNA DJELA	SEPTEMBAR 2017.	SEPT. 2016.	uporedba br.KD		RASVIJETLJENOST SEPTEMBAR 2017.	
			+ / -	%	br. KD	%
Protiv života i tijela	<b>14</b>	17	-3	-17,6%	13	92,9%
Protiv slobode i prava čovjeka i građanina	<b>28</b>	12	16	133,3%	26	92,9%
Protiv spolne slobode i morala	<b>0</b>	1	-1	---	0	---
Protiv braka, porodice i mladeži	<b>12</b>	19	-7	-36,8%	12	100%
Protiv zdravlja ljudi	<b>29</b>	39	-10	-25,6%	29	100%
Protiv privrede, poslov. i sigurn. platn. prometa	<b>0</b>	2	-2	---	0	---
Protiv imovine	<b>232</b>	178	54	30,3%	89	38,4%
Protiv okoliša, poljoprivrede i prirodnih dobara	<b>0</b>	1	-1	---	0	---
Protiv opće sigurnosti ljudi i imovine	<b>2</b>	7	-5	-71,4%	2	100%
Protiv sigurnosti javnog prometa	<b>1</b>	11	-10	-90,9%	1	100%
Protiv pravosuđa	<b>4</b>	2	2	100%	4	100%
Protiv javnog reda i pravnog prometa	<b>13</b>	25	-12	-48%	12	92,3%
Protiv podmićivanja i krivična djela protiv službene i druge odgovorne funkcije	<b>1</b>	0	1	---	1	100%
ZONDINOIM-a (SL.novine Kantona Sarajevo br.38/07)	<b>4</b>	5	-1	-20%	4	100%
<b>UKUPNO</b>	<b>340</b>	319	21	6,6%	193	56,8%

*U mjesecu septembru 2017. godine u odnosu na isti mjesec prethodne, zabilježeno je povećanje broja registrovanih krivičnih djela za 21 ili 6,6%. Najznačajnije povećanje zabilježeno je u oblastima protiv imovine (za 54 djela) i slobode i prava čovjeka i građanina (za 16), dok je smanjenje evidentirano u oblastima protiv javnog reda i pravnog prometa (za 12 djela), zdravlja ljudi (za deset), sigurnosti javnog prometa (za deset), braka, porodice i mladeži (za sedam), opće sigurnosti ljudi i imovine (za pet), itd.*

#### PREGLED KRIVIČNIH DJELA PO OBLASTIMA

##### KRIVIČNA DJELA PROTIV ŽIVOTA I TIJELA

Tokom izvještajnog mjeseca ove godine evidentirano je 14 krivičnih djela iz ove oblasti (tri manje u odnosu na septembar 2016 godine), i to: teška tjelesna ozljeda – šest (tri manje) i lahka tjelesna ozljeda – osam (jedno više).

Ukupno je rasvijetljeno 13 djela iz ove oblasti a zbog postojanja osnova sumnje da su ih počinili, nadležnim tužilaštvima podneseni su službeni izvještaji protiv 12 lica, od kojih je šest (ili 50%) povratnika, a tri lica su lišena slobode. Za sada je nerasvijetljeno jedno djelo lakih tjelesnih ozljeda.

##### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 28 krivičnih djela (16 više) - ugrožavanje sigurnosti. Za izvršenje navedenih djela prijavljena su 22 lica, od kojih je deset povratnika (ili 45,4%).

##### KRIVIČNA DJELA PROTIV BRAKA, PORODICE I MLADEŽI

U mjesecu septembru evidentirano je 12 djela (sedam manje) - nasilje u porodici, za čije izvršenje je prijavljeno 12 lica, od kojih su četiri (ili 30,3%) povratnika, a sedam lica je lišeno slobode.

##### KRIVIČNA DJELA PROTIV ZDRAVLJA LJUDI

Prijavljeno je 29 krivičnih djela iz oblasti protiv zdravlja ljudi (10 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedno,
- posjedovanje i omogućavanje uživanja opojnih droga (čl. 239. KZ FBiH) – 28 djela.

Zbog postojanja osnova sumnje da su počinili navedena djela podneseni su službeni izvještaji protiv 29 lica (devet manje), a 16 je lišeno slobode (13 manje).

#### PREGLED ODUZETE KOLIČINE OPOJNIH DROGA U MJESECU SEPTEMBRU 2017/16. GODINE

VRSTA OPOJNE DROGE	SEPTEMBAR 2017.GOD	SEPTEMBAR 2016. GOD.
Marihuana (u gramima)	<b>1000</b>	400
Marihuana (paketići)	<b>16</b>	7
Marihuana (cigarete-kom.)	<b>3</b>	---
Heroin (paketići)	<b>10</b>	1
Heroin (u gramima)	---	450
Kokain (paketići)	<b>3</b>	---
Amfetamin (paketići)	<b>8</b>	1
Ecstasy (tablete)	<b>100</b>	---
Metadon	<b>1 bočica</b>	8 kom kapsula
Cannabis- stabljike	<b>3</b>	---
pribor sa ostacima droge	<b>5</b>	----

U ovom mjesecu, registrovana su 232 krivična djela protiv imovine, što je za 54 djela više u odnosu na isti mjesec prošle godine. Među djelima iz ove oblasti najbrojnije su: teške krađe – 141-no djelo (50 više), krađe – 34 (10 više), razbojništvo – 27 (deset manje), oštećenje tuđe stvari – 15 (dva manje), prijevarena – pet (dva više), utaja - četiri (tri više), itd.

Za ukupno 89 ovih djela ili 38,4% identifikovani su osumnjičeni izvršioci, što je 0,9% manja rasvijetljenost u odnosu na uporedni mjesec.

Kada su u pitanju teške krađe, prema objektu izvršenja najbrojnija su bila motorna vozila (otuđenja motornih vozila i “provale” u ista) – 73 puta (40 više), zatim stambeni objekti – 48 puta (13 više), poslovni prostori - 17 puta (pet više), itd.

Tokom mjeseca septembra na području Kantona Sarajevo izvršeno je 46 krivičnih djela teških krađa motornih vozila od čega je osam ili 17,4% pronađeno i vraćeno vlasnicima (od strane policije MUP-a KS vraćena su četiri vozila, drugih MUP-a - dva i od strane vlasnika pronađena su dva vozila.

Broj teških krađa motornih vozila, u odnosu na uporedni mjesec, povećan je za 33 vozila, a zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaje protiv tri lica.

Prijavljena su 34 krivična djela krađe (10 više), koja su izvršena dvanaest puta u poslovnim prostorijama, osam u stambenim objektima, tri puta u vozilima i na stajalištima GRAS-a, u sportskim kladionicama - dva, sedam na ulici, itd. odakle su otuđivani novčanici, bicikli, tehnička roba, alat, kozmetika, auto dijelovi, itd.

Evidentirano je šest krivičnih djela teških krađa na naročito opasan ili naročito drzak način (devet manje), u kojima su izvršioci, upotrebom fizičke snage (otimanjem i trganjem) - četiri puta i verbalnom prijetnjom u dva slučaja, otimali mobitele i novac. Ova djela su izvršena tri puta na tramvajskoj stanici, dva puta u prodavnici i jednom na ulici.

Za ukupno tri ova djela identifikovani su osumnjičeni izvršioci, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica, povratnika u činjenju krivičnih djela.

U mjesecu septembru ove godine registrovano je 27 krivičnih djela razbojništva (deset manje), od čega je za šest ili 22,2% djela identifikovan osumnjičeni izvršilac (što je za 0,6% više), a evidentirana su na području općina: Novi Grad - sedam (četiri više), Centar – šest (dva više), Novo Sarajevo – pet (devet manje), Ilidža – pet (tri manje), Vogošća - tri (tri manje) i Hadžići - jedno djelo (nije bilo djela u uporednom mjesecu).

Ova djela izvršena su prijetnjom upotrebe vatrenog oružja - šest puta, prijetnjom upotrebe noža ili drugog oštrog predmeta – 12 i upotrebom fizičke snage – devet puta, a počinjena su u poslovnim prostorijama - 11 puta, u sportskim kladionicama - deset, na ulici četiri, itd. Otuđivan je novac, mobiteli, nakit, cigarete, itd.

Za izvršenje navedenih djela nadležnom tužilaštvu podneseni su službeni izvještaji protiv šest lica od kojih je pet povratnika u činjenju krivičnih djela, a tri su lišena slobode.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su dva djela (pet manje) - izazivanje opće opasnosti, za čije izvršenje su nadležnom tužilaštvu podneseni službeni izvještaji protiv dva lica, povratnika u činjenju krivičnih djela, a jedno je lišeno slobode.

*Krivična djela izazivanja opće opasnosti izvršena su na otvorenom prostoru. U jednom slučaju aktivirana je nepoznata eksplozivna naprava, a u drugom slučaju je pucano iz vatrenog oružja. Posljedica izvršenja navedenih djela je ranjavanje jednog lica i nastala materijalna šteta.*

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 13 krivičnih djela (12 manje) i to: nasilničko ponašanje – pet, napad na službenu osobu u vršenju poslova sigurnosti - tri, krivotvorenje isprave - dva, lažno predstavljanje, nedozvoljeno držanje oružja ili eksplozivnih materija i ovjeravanje neistinitog sadržaja - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 13 lica od kojih je osam povratnika (ili 61,5%), a 15 je lišeno slobode.

#### KRIVIČNA DJELA POČINJENA OD STRANE MALOLJETNIH LICA

U toku mjeseca septembra 2017. godine prijavljeno je **šest** maloljetnih lica zbog postojanja osnova sumnje da su učestvovali u izvršenju **devet** krivičnih djela. U odnosu na isti mjesec 2016. godine, broj maloljetnih učinilaca krivičnih djela povećan je za jedan ili 20%, a broj krivičnih djela u čijem izvršenju su učestvovala maloljetna lica povećan je za tri ili 50%.

Među prijavljenim maloljetnim učiniocima, po tri su u dobi između 14 i 16 godina i između 16 i 18 godina, a četiri maloljetnika su povratnici u izvršenju krivičnih djela.

Struktura krivičnih djela izvršenih od strane maloljetnih lica u toku mjeseca septembra 2017/2016. godine

(KZ FBiH) krivična djela	Septembar 2017.	Septembar 2016.	+,-%
teška tjelesna ozljeda	0	1	-1
laka tjelesna ozljeda	0	1	-1
protupravno lišenje slobode	1	0	+1
posjedovanje i omog. uživanja opojnih droga	1	0	+1
teška krađa	0	2	-2
drska krađa	2	0	+2
razbojništvo	4	0	+4
krađa	0	1	-1
oštećenje tuđe stvari	0	1	-1
iznuda	1	0	+1
UKUPNO	9	6	+3 ili 50%

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca septembra 2017. godine registrovana su dva slučaja aktiviranja minsko-eksplozivnih sredstava (u mjesecu septembru 2016. godine isto), što je za posljedicu imalo materijalnu štetu na motornim vozilima, kući i povrede psa.

U proteklom mjesecu evidentirana je jedna anonimna dojava o postavljenoj eksplozivnoj napravi (u istom mjesecu 2016. godine nije bilo), a odnosila se na Općinski i Kantonalni sud Sarajevo. Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju ovog slučaja i pronalaženju učinioaca.

### POŽARI

Tokom mjeseca septembra 2017. godine, na području Kantona Sarajevo registrovano je šest požara (jedan više), u kojima su dva lica povrijeđena.

Prema statističkim pokazateljima, tri požara su izazvana namjerno, jedan zbog tehničkih nedostataka, dok uzroci dva požara spadaju u kategoriju ostalih.

### SAMOUBISTVA

U mjesecu septembru 2017. godine na području Kantona Sarajevo registrovana su tri samoubistva (isto), izvršena na sljedeće načine: vješanjem – dva puta i samoklanjem – jednom.

Samoubistva su izvršena na području općina: Centar, Novi Grad i Vogošća. Izvršioци su dva muškarca i jedna žena. Starosna dob muškaraca je 32 i 47 godina, dok je ženska osoba starosti 41 godinu.

## JAVNI RED I MIR

U toku mjeseca septembra 2017. godine policijski službenici su uručili/podnijeli 323 prekršajna naloga i zahtjeva za pokretanje prekršajnog postupka (naloga - 233, zahtjeva - 90) zbog narušavanja javnog reda i mira, što u odnosu na isti mjesec 2016. godine predstavlja smanjenje za 105 ili 24,5%. Prekršajne sankcije preduzete su protiv 345 lica, što predstavlja smanjenje za 101 ili 22,6%.

Od ukupnog broja naloga i zahtjeva, 291 ili 90,1% odnosi se na prekršaje utvrđene Zakonom o prekršajima protiv javnog reda i mira, a 32 ili 9,9% na prekršaje utvrđene Odlukom općinskih vijeća o javnom redu i miru.

Najveći broj prekršajnih sankcija odnosi se na prekršaje učinjene prosjačenjem (118 ili 36,5%).

Prilikom narušavanja javnog reda i mira u proteklom mjesecu, u slučajevima kada se radilo o prekršajima, nije bilo teže povrijeđenih (kao ni u istom mjesecu 2016. godine), dok je lakše povrijeđeno sedam lica (četiri ili 36,4% manje).

Od ukupnog broja prekršajnih sankcija u oblasti javnog reda i mira, 46 ili 14,2% se odnosi na lica koja su i ranije činila prekršaje (povratnici). Prema starosnoj strukturi lica protiv kojih su preduzimate prekršajne sankcije, najbrojniji su oni starosne dobi preko 36 godina (179), zatim između 26 i 35 (108) i između 19 i 25 godina (58).

Pregled strukture prekršaja i njihova zastupljenost u ukupnom broju:

- **Prosjačenje – 118** (ili 36,5% od ukupnog broja prekršajnih sankcija);
- **Naročito drsko ponašanje – 40** (ili 12,4%);
- **Tuče – 34** (ili 10,5%);
- **Odbijanje naređenja i omalovažavanje policijskih službenika – 31** (ili 9,6%);
- **Svađa, vika, nepristojno ponašanje – tri** (ili 1%);
- **Uživanje opojne droge na javnom mjestu – dva** (ili 1%);
- **Paljenje petardi – jedan** (ili 0,3%);
- **Ostali prekršaji – 62** (ili 19,2%) i
- **Prekršaji prema Odluci općinskih vijeća – 32** (ili 10%).

Prema mjestu izvršenja, a na osnovu broja prekršajnih sankcija, najviše prekršaja učinjeno je **na ulici i na drugim otvorenim prostorima** (272 ili 84,2%), a znatno manje u ugostiteljskim objektima (16), u školama i trgovinskim i zanatskim radnjama (po jedan), te na ostalim mjestima (33 prekršaja). U proteklom mjesecu nisu registrovani prekršaji u sredstvima javnog prevoza i na sportskim terenima.

Tabelarni pregled prekršajnih sankcija  
u mjesecu septembru 2017/2016. godine, prema mjestu izvršenja

MJESTO IZVRŠENJA	septembar 2017.	SEPTEMBAR 2016.	+ - %
Ulica i drugi otvoreni prostor	272	391	-119 ili 30,4%
Ugostiteljski objekti	16	21	-5 ili 23,8%
Sportski stadioni i dvorane	0	0	---
Vozila javnog saobraćaja	0	0	---
Škole i školska dvorišta	1	0	+1
Trgovine i zanatske radnje	1	3	-2 ili 66,7%
Ostala mjesta	33	13	+20 ili 153,8%
UKUPNO	323	428	-105 ili 24,5%

Na području Kantona Sarajevo u mjesecu septembru održano je 267 javnih skupova (72 ili 37% više u odnosu na septembar 2016. godine). Policijski službenici su proveli planske aktivnosti javnih skupova koji su protekli bezbjedno. U 53 slučaja izvršeno je KDZ osiguranje.

## SAOBRAĆAJ

Tokom mjeseca septembra 2017. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastradalim licima, te broja nastradalih lica.

Registrovano je 925 saobraćajnih nezgoda (50 ili 5,1 % manje), 861 sa materijalnom štetom (19 ili 2,1 % manje) i 64 sa nastradalim licima (31 ili 32,6 % manje).

U naselju je registrovana 861 saobraćajna nezgoda (58 sa povrijeđenim licima i 803 sa materijalnom štetom), van naselja 64 nezgode (jedna sa poginulim, pet sa povrijeđenim licima i 58 sa materijalnom štetom).

Evidentirane su 204 saobraćajne nezgode na raskrscicama u naselju, 10 na raskrscicama van naselja, četiri na pješačkom prelazu, dvije na nadvožnjaku i 705 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo  
za mjesec septembar 2017./2016. godina

	sep. 2017.	sep. 2016.	+,-,%
UKUPNO SAOBRAĆAJNIH NEZGODA	925	975	- 50 ili 5,1 %
Saobraćajne nezgode sa nastradalim licima	64	95	- 31 ili 32,6 %
Saobraćajne nezgode sa materijalnom štetom	861	880	- 19 ili 2,1 %
POGINULO LICA	1	2	- 1 ili 50 %
- vozači	0	1	- 1
-putnici	1	1	isto
- pješaci	0	0	-----
POVRIJEĐENO LICA	82	126	- 44 ili 34,9 %
- vozači	40	55	- 15 ili 27,3 %
- putnici	27	40	- 13 ili 32,5 %
- pješaci	15	31	- 16 ili 51,6 %

#### POSljedICE SAOBRAĆAJNIH NEZGODA

Tokom mjeseca septembra 2017. godine, u saobraćajnim nezgodama na području Kantona Sarajevo 83 lica su nastradala (45 ili 35,1 % manje). Jedno lice je poginulo <sup>2</sup>(jedno ili 50 % manje), dok su 82 lica povrijeđena (44 ili 34,9 % manje), osam teže i 74 lakše.

Među povrijeđenim licima evidentirano je:

- 40 vozača (15 manje)
- 27 putnika (13 manje)
- 15 pješaka (16 manje)

Tabelarni pregled nastradalih lica u saobraćajnim nezgodama po kategoriji učesnika  
za mjesec septembar 2017./2016. godina

	POGINULI			TEŠKO POVRIJEĐENI			LAKŠE POVRIJEĐENI		
	sep. 2017.	sep. 2016.	+,-,%	sep. 2017.	sep. 2016.	+,-,%	sep. 2017.	sep. 2016.	+,-,%
VOZAČI	0	1	- 1	2	5	- 3 ili 60 %	38	50	- 12 ili 24 %
PUTNICI	1	1	isto	2	5	- 3 ili 60 %	25	35	- 10 ili 28,6 %
PJEŠACI	0	0	-----	4	11	- 7 ili 63,6 %	11	20	- 9 ili 45 %
UKUPNO	1	2	- 1 ili 50 %	8	21	- 13 ili 61,9 %	74	105	- 31 ili 29,5 %

Kada je u pitanju stepen povreda, dva vozača su teže, a 38 lakše povrijeđeno, dva putnika su teže, a 25 lakše povrijeđeno, dok su četiri pješaka teže, a 11 lakše povrijeđeno.

Starosna struktura lica povrijeđenih u saobraćajnim nezgodama je sljedeća: od 41 do 50 godina – 19 lica, od 51 do 65 godina – 15 lica, od 25 do 30 godina – 11 lica, od 21 do 24 godine – 10 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 733 nezgode u kojima je 55 lica povrijeđeno, zatim na magistralnim putevima 81 nezgoda u kojoj su 22 lica povrijeđena, na lokalnim putevima – 74 nezgode (dva lica povrijeđena), na regionalnim putevima – 26 nezgoda (tri lica povrijeđena) i na putevima koji se ubrajaju u kategoriju ostalih – 11 saobraćajnih nezgoda (jedno lice poginulo).

#### UZROCI SAOBRAĆAJNIH NEZGODA

Od ukupno 925 uzroka saobraćajnih nezgoda, 145 je bilo zbog neprilagođene brzine (jedno lice poginulo, 26 lica povrijeđeno), devet zbog uticaja alkohola (jedno lice povrijeđeno), dok uzroci za 771 saobraćajnu nezgodu spadaju u kategoriju ostalih (55 lica povrijeđeno).

Evidentirane su dvije saobraćajne nezgode (šest manje), u kojima su učestvovali pripadnici MUP- a Kantona Sarajevo. U navedenim saobraćajnim nezgodama nije bilo nastradalih lica.

Evidentirane su 42 saobraćajne nezgode (12 manje) u kojima su učestvovali inostrani vozači i jedna nezgoda (tri manje) u kojoj je učestvovalo vozilo međunarodne organizacije (bez nastradalih lica).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca septembra 2017. godine, kontrolisano je ukupno 21.225 vozila (706 više), 5.048 lica u vozilima (1.044 više), izvršen je pregled 195 vozila (241 manje) i 201 lica u vozilima (72 manje). Zbog tehničke neispravnosti iz saobraćaja je isključeno 19 vozila (15 manje), 193 vozača su zatečena da upravljaju vozilom pod dejstvom alkohola (169 manje), 417 bez korištenja sigurnosnog pojasa (171 manje), 79 bez položenog vozačkog ispita (218 manje), a 152 vozača su učestvovala u saobraćaju bez važeće registracije (58 manje).

Zbog kršenja propisa iz oblasti sigurnosti saobraćaja uručeno je 13.799 prekršajnih naloga vozačima (4.160 manje u odnosu na septembar prošle godine) i podneseno 40 zahtjeva za pokretanje prekršajnog postupka (šest manje). Evidentirano je jedno krivično djelo zbog ugrožavanja sigurnosti javnog prometa (10 manje).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca septembra 2017. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 6.043 prekršajna naloga (1.662 manje), upozoreno je 439 vozača (29 manje), a specijalnim vozilom "pauk" premješteno je 228 vozila (10 više).

Takođe, pješacima koji su kršili propise uručen je 201 prekršajni nalog (164 manje), a upozoreno je 126 pješaka (54 manje).

#### ZAKONITOST U RADU

Tokom mjeseca septembra 2017. godine, registrovana su tri napada (dva više) na policijske službenike: U napadima su učestvovala tri punoljetna lica koja su lišena slobode.

Policijski službenici su u pet slučajeva opravdano upotrijebili silu (četiri više):

- ❖ fizičku snagu i sredstva za vezivanje – četiri puta
- ❖ fizičku snagu - jednom

Tokom mjeseca septembra 2017. godine, vođene su ukupno 43 unutrašnje istrage, od čega je 26 iz ranijeg perioda.

Okončano je sedam unutrašnjih istraga, među kojima su tri bile bez dovoljno dokaza, u dva slučaja predstavke su neosnovane, u jednom slučaju predstavka je osnovana, dok je u jednom slučaju istraga obustavljena.



U toku je 36 unutrašnjih istraga koje se vode po raznim osnovama.

Takođe, registrovane su dvije žalbe koje se odnose na postojanje osnova sumnje da je počinjeno krivično djelo navedeno u Strategiji borbe protiv korupcije u MUP-u Kantona Sarajevo.

### **AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE**

U mjesecu septembru ove godine evidentirana su četiri djela regulisana ZONDINOIM-om (jedno manje) počinjena od strane pet lica, a dva su lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: devet pištolja, 20 „noževa, mačeva i sl.“, jedan bokser, 57 komada municije, itd.

U mjesecu septembru ove godine fizičkim licima izdato je 81-no odobrenje za nabavku vatrenog oružja i 87 oružnih listova.

### **6. RAD POLICIJE U ZAJEDNICI**

U okviru Rada policije u zajednici u toku septembra 2017. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Obavljajući svoje redovne aktivnosti službenici policije su vršili obilaske mjesnih zajednica, obrazovnih institucija, zatim ostvarivali kontakte sa vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.